

# 中學組

## 班房

### 放學後

△放學鐘聲

△筱語哼着音樂，執拾書包。

語：（興奮轉向隔離座位）我行得啦，鑫源.....

△隔離座位空空如也，筱語想起這幾天鑫源都不在旁邊，神情落寞。

語：.....鑫源。

## 操場

△筱語經過操場，鑫源打籃球的英姿在腦海中浮現。

## 校門外

### 黃昏

貝：筱語，啱啱我行過教員室，聽老師講鑫源被停左學嗰！呵呵呵！

語：咩話？（驚訝）無可能！你唔好亂噏嗰！（不相信）

貝：我親耳聽到嘅，信不信由你啦～（呵呵笑著走遠）

語：我！先！唔！信！呀！八掛精！

△天漸漸下起雨來，筱語獨自站在街上慢慢走著淋雨。

## 筱語睡房

### 晚上

△語放下書包沉到床裏。

語：（自言自語）嗰個貝貝講嘅嘢一定唔係真嘅，鑫源佢平時咁勤力，又有交帶，點會搞到停學嗰！.....不過，佢最近又真係好似成個人變左咁，唔知佢而家點呢？我哋明明係 best friend 嚟加嘛，有事又唔同我講嗰.....

△筱語回想起不久之前鑫源在學校睡覺、和別人打架、散播不雅物品，樣子憔悴又不修邊幅，跟筱語所認識的他判若兩人。回憶部分以鑫源粗暴推開筱語作結。

鑫：（回憶中）煩死人啦！行開呀！

語：（床上）唔會嘅！唔會嘅！唔會嘅！

## 筱語睡房

### 數小時之後

△筱語不知不覺睡着了，外面仍然下雨。

語：（夢話）.....鑫源唔會咁做.....

△善美冒雨從窗外飛入，落在筱語枕邊。

善：（在語耳邊說）筱語！筱語！起身啦！快啲去救救你好朋友啦，佢就嚟死啦！

語：（睡夢中皺眉）鑫源？！

善：（碰碰筱語太陽穴，傳送影像）我係精靈善美，你朋友因為受到惡精靈月月嘅教唆，沉迷暴力遊戲同色情刊物，所以先至被停學㗎！

## 腦海影像——鑫源睡房

### 較早前

月：哈哈哈哈！我今次仲唔稱霸精靈界，成為精靈王！兄弟，你幫埋我今鋪，大哥保證俾你賺多一倍！！

鑫：好！Deal！

△鑫掛着一雙黑眼圈，咧嘴笑，着了魔似的在電腦鍵盤噠噠噠地打字。

月：（奸笑）嘻嘻嘻！我的時機嚟喇！善美，你同我睇住嚟！

## 回到筱語睡房

善：依家得你可以救到佢咋！

語：（夢話·緊張）咁我應該點做呀？？

善：放心，我會賜俾你善美能量！！善美善美善美！（咒語）

△ Fade to white，筱語醒來，心口掛着一個發光玻璃小瓶子。

## 鑫源睡房

### 深夜至日出

語：（推門）鑫源！

鑫：（視線停留電腦畫面）哇哈哈！睇我點樣收拾你！

語：（很大力推了一下鑫源的肩膀）鑫源，唔好玩啦！

鑫：（不耐煩）邊鬼個呀？好煩啊！！

語：係我啊！筱語啊！

△筱語隨即將手搭在鑫源膊頭上使出法術，鑫源立即醒過來回到現實，看到筱語，看到睡房周圍渾沌狀態，決定掙扎擺脫惡精靈月月的魔爪。

△鑫源的意志力逐漸強大起來，附在他身上的月月被趕了出來，變成一團烏鴉形黑氣。

月：唔好呀！我畀多兩倍報酬你丫！五倍！十倍.....呀！！！！善美你竟然破壞我好事.....

△月的黑氣身影變得越來越小，最後被吸入筱語手中玻璃小瓶被封印了。

山頂

早上

鑫：（深呼吸）哇，企喺山頂嘅感覺真係好，哩個景色實在太靚。

語：（語重心長）嗯！哩一切，真係嚟得唔容易.....

善：記得，現實生活裏面，我哋要學識判斷，帶眼識人。要遠離不良損友，遠離不良資訊，遇到困難嘅時候，記得要尋求他人嘅幫助，學識保護自己啊！

完。